

Erasmus + Project No 618089-EPP-1-2020-1-BA-EPPKA2-CBHE-JP

Inoviranje alata za procjenu kvaliteta za studije farmacije u Bosni i Hercegovini/IQPharm

IQPharm Otvoreni dani

Poštovani,

Sa zadovoljstvom Vas pozivamo da učestvujete u Otvorenim danima Erasmus+ CBHE projekta „*Innovating quality assessment tools for pharmacy studies in Bosnia and Herzegovina - IQPharm*“. Otvoreni dani Projekta održat će se 05.04. i 06.04.2023. godine Sarajevu, Bosna i Hercegovina. Agenda Otvorenih dana je u prilogu Poziva.

Kroz aktivnosti u okviru Otvorenih dana imaćete priliku da podijelite svoja profesionalna iskustva kao i da date svoje prijedloge i sugestije koje će nam biti od velikog značaja za finalnu implementaciju ciljeva Projekta. Program Otvorenih dana Projekta u Sarajevu je zamišljen i kao svojevrsan program besplatne edukacije za mentore studenata za obavljanje studentske stručne prakse u apotekama. U okviru planiranoga programa mentori studenata na studentskoj stručnoj praksi će biti upoznati sa prednostima korištenja EE platforme za praćenje studentske stručne prakse, promjenama koje su uvedene u studijskim programima, te alatima čija je finalna implementacija planirana sa ciljem osiguranja kvalitete studija na javnim univerzitetima u Bosni i Hercegovini (BiH) sa studijskim programom farmacija.

Projekat "*Innovating quality assessment tools for pharmacy studies in Bosnia and Herzegovina*"- *IQPharm*, je nacionalni projekat koji je fokusiran na podizanje kvalitete i modernizaciju studija farmacije na javnim univerzitetima u BiH koji imaju studij farmacije. Koordinator Projekta je Univerzitet u Sarajevu ispred konzorcijuma kojeg čine četiri javna univerziteta u BiH i to Univerzitet u Sarajevu, Univerzitet u Banja Luci, Univerzitet u Tuzli i Sveučilište u Mostaru, te Univerzitet u Novom Sadu, Sveučilište u Splitu, D'Annunzio University of Chieti–Pescara Italija i Trinity College Dublin the University of Dublin Irska kao partneri iz programskih zemalja. Programi studija farmacije na javnim univerzitetima u BiH su usklađeni sa direktivama Europske Unije (EU), međutim, nastavna sredstva i alati za osiguranje kvaliteta zahtijevaju znatna poboljšanja.

Stoga bi generalni cilj IQPharm projekta bio usavršavanje stručnih i pedagoških kompetencija akademskog osoblja za interaktivniji i praktičniji pristup izvođenju nastave/podučavanju studenata, procjena postojećih programa farmacije kroz razmjenu praksi između partnerskih i programskih institucija i aktivno uključivanje glavnih partnera u realnom sektoru, poboljšanje nastave kroz uvođenje testova retencije znanja (*Knowledge Retention Evaluation Framework*, KREF) i objektivno strukturiranog kliničkog ispitivanja (*Objective structured clinical examination*, OSCE) za studente farmacije, te usavršavanja edukatora u području stručne prakse i razvoj platforme za upravljanje i administraciju pohađanja stručne prakse. Uvođenje novih alata za ocjenu kvalitete studijskih programa (KREF) omogućit će izradu preporuka zasnovanih na dokazima za promjene, izmjene i inovacije postojećih metoda prijenosa znanja, didaktičkih pristupa nastavnika i nastavnih planova i programa. Uvođenjem novog sistema procjene znanja stečenog tokom stručne prakse (OSCE) postaviće se jednaki standardi na nacionalnom nivou za rezultate učenja diplomiranih farmaceuta. EE-platforma će osigurati modernizaciju nadzora provođenja stručne prakse. Dodatno, realizacijom planiranih projektnih aktivnosti očekuje se intenzivna saradnja sa partnerskim institucijama u Europskoj Uniji i mobilizacija svih relevantnih partnera u BiH za istraživanje potencijalnih novih modela i pristupa

inovativnim metodama poučavanja, učenja i vrednovanja, postizanje visokih standarda obrazovnog procesa i ishoda učenja u skladu sa zahtjevima tržišta rada. Nadalje, realizacijom aktivnosti planiranih IQPharm projektom stvorit će se osnov za izradu preporuka za promjenu zakonskih propisa u skladu s EU Direktivama 2005/36 i 2013/55 o priznavanju stručnih kvalifikacija, zatim podizanje kvalitete i modernizacije studija farmacije na svim javnim univerzitetima u BiH koji imaju studij farmacije, te jačanje stučne prakse u skladu sa EU standardima i propisima visokog obrazovanja.

Krajnji rezultat IQPharm Projekta bi trebao biti kroz povećanje standarda visokog obrazovanja i povećanje kvalitete farmaceutske/zdravstvene zaštite. Zainteresirane strane iz realnog sektora (poslodavci, regulatorna tijela) bit će aktivni sudionici kao pridruženi partneri u različitim fazama Projekta, što će imati direktan doprinos i utjecaj na poboljšanje kompetencija i vještina svršenih magistara farmacije. Projektom je nabavljena i značajnija oprema kojom će se modernizirati izvođenje nastave i praktičnog usavršavanja studenata, ali i povećanje istraživačkog potencijala što je od ključnog značaja u cilju boljeg pozicioniranja fakulteta na regionalnoj i evropskoj razini.

Više informacija u vezi sa aktivnostima IQPharm projekta možete pronaći na web stranici Projekta <https://erasmus-iqpharm.com/>.

U nadi da ćete uzeti učešće u IQPharm Otvorenim danima, ali i ostalim aktivnostima u okviru realizacije Projekta, srdačno Vas pozdravljamo.

Koordinator Projekta

Dr. sc. Tamer Bego, vanredni profesor

Ispred organizacionog odbora Otvorenih dana IQPharm projekta

Dr. sc. Nahida Srabović, vanredni profesor

Dr. sc. Esmeralda Dautović, docent

Dr. sc. Ivona Ivančić, docent

Dr. sc. Kemal Durić, redovni profesor

Dr. sc. Nataša Bubić Pajić, docent